

NOTFAU: Daisy&Mimi, 16j.



suechet dringänd zäme es nöiies Daheime i Wohnigshautig

Liebi Tierfründe

Hoi Dir da, siit Dir üse nöiie Mönsh? Nach Dir suechet mir. Ganz dringänd! Warum? Üses liebs Froueli isch erkrankt u cha üs nüm versorge, sy het is Heim müesse zügle, mir hei nid mitchoh. Mir wärde zwar no versorget u gfütteret, abr d'Wohnig wird demnächscht ufglöst. U mir? Genau, mir sy denn obdachlos. Itze pressiert's. Drum!

Mir sy Schwöschtere, 16jährig, abr fit, kaschtriert, gimpft, chippet u schtuberein. Mir waret grad erscht bim Doc, s'isch aues ok, villiicht geit's mou mit di Niere los, abr derfüre git's denn Speziau-Fuetter u Medis. No isches no nid sowiit. Mir liebe's no sähr z'schpiue u ou bürschtele dörftisch Du üs, mir möge das. Mir sy ganz liebi pflägeliichti u verschmuesti Büselis. Ganz uuchompliziert, mir bruuche nur wiedr so en liebe Mönsh, wie üses Froueli eis isch, e Wohnig mit breits gsicheretem Baukon zum Usseluege u Vögeli Beobachte, es Sofa, wo mir mit Dir zäme höckle dörfti u üse tägliche Schtriicheleiheite. U scho sy mir zfriede u glücklech. So eifach isch das mit üs. S'Daisy isch es bitzeli schüech u sy het irgendwie Angscht vor Männr, e reine Männerhuushaut wär nid so guet, abr ig, d'Mimi, ig bi nöigiirig u cha mit auem u jädem. Nur nid mit Ching, Hung u Chatz, mir sy d'geboreni Alleiprinzessin!

Mir suechet unbedingt zäme wiedr es Daheime bi liebi, chatzeerfahreni Lüüt mit Geduud, die wo viu für üs da sy u üs liebhave u mit üs schmüesele. Bisch Du pensioniert? E Senior? Perfekt, mir sy ja ou Seniore. Passt! Odr arbeitsch Du teilziit odr vo Diheime us? Mir chenne's, dass fascht immr öpper da isch, drum. Hesch Du en gsicherete Baukon mit ere inträssante Ussicht? Das wär's! Denn müesset mir üs unbedingt lehre chenne. Mir wohnet im Moment no z'Luzern/LU, zügle aber gärn zu Dir, wo ou immer Du wohnsch. Mäud Di doch bitte ganz gly bi dr Sonja Ball. Sie het sich üs agno u suechet für üs das nöiie Plätzli. Bsuechsch Du üs einisch? Zum Beschnuppere? Das wär tou! Es pressiert üs ziemlech, Ends Mönnet muess d'Wohnig üfglöst wärde u mir wäret obdachlos. Drum!

Dini Daisy&Mimi



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch